

An se soten: Jo, nun hu mer
fondt, wat eise Papp äis sot,
a mer hun am leschte Summer
äis net ömmesoß geplot.

Daß eng Seechen, le'we Bauer,
awer gutt fir dech erduecht:
Get der d'Arbecht dack och sauer,
huol dat Beispill wuohl an uecht!

Mat der Arbecht d'Feld bele'en⁴,
brengt dir Ligen och an d'Döppen.
Wells du Fruucht hun, muß de ple'en
an net schennen oder streppen⁵.

D'Feld muß Loft a Waßer drenken
an der Sonn hirt frendlecht Liicht,
schungsde'f muß et önnne blenken
hanner'm Plo' dir an d'Gesicht.

Räiß erous all Sten a Bre'mer!
hann'rem Plo' dech dack gebeckt⁶!
D'Deschteln ous der Wurzel ze'h mer,
datt dir d'Fruucht net dran ersteckt!

Brooch erous den de'we Buodem,
bei der Ro'her ple' en an⁷,
datt den zarte Wurzelfuodem
Moll kritt a gutt wueße kann!

Ma du muß dorous net schäffen⁸,
datt sech dat op eemol me'ch:
Dat «ze niddreg» geht op d'Heffen
an zum Halsbroch dat «ze he'ch».

Huol deng al verduorwe Stecker
de'f mam Plo', ma no der Reih:
Det Jahr dat vu we'neg Recker
an dat anert Jahr dat hei!